

---

OFFERYNNAU STATUDOL CYMRU

---

**2010 Rhif 2448 (Cy.211)**

**Y DRETH GYNGOR, CYMRU**

**Gorchymyn y Dreth Gyngor (Diystyru Gostyngiadau) (Diwygio) (Cymru) 2010**

<i>Gwnaed</i>	- - - -	<i>6 Hydref 2010</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>7 Hydref 2010</i>
<i>Yn dod i rym</i>	- -	<i>1 Tachwedd 2010</i>

Mae Gweinidogion Cymru yn gwneud y Gorchymyn a ganlyn drwy arfer y pwerau a roddwyd i'r Ysgrifennydd Gwladol gan baragraff 4 o Atodlen 1 i Ddeddf Cyllid Llywodraeth Leol 1992<sup>(1)</sup> ac sydd bellach wedi'u breinio ynddynt hwy<sup>(2)</sup>.

**Enwi, cychwyn, a chymhwyso**

1.—(1) Enw'r Gorchymyn hwn yw Gorchymyn y Dreth Gyngor (Diystyru Gostyngiadau) (Diwygio) (Cymru) 2010 a daw i rym ar 1 Tachwedd 2010.

(2) Mae'r Gorchymyn hwn yn gymwys o ran Cymru.

**Diwygio Gorchymyn y Dreth Gyngor (Diystyru Gostyngiadau) 1992**

2.—(1) Diwygir Gorchymyn y Dreth Gyngor (Diystyru Gostyngiadau) 1992<sup>(3)</sup> fel a ganlyn.

(2) Ym mharagraff 1(1)(b) o Atodlen 1, yn lle'r geiriau “a qualification accredited by” hyd at y diwedd rhodder—

(i) “a qualification to which Part 7 of the Apprenticeships, Skills, Children and Learning Act 2009<sup>(4)</sup> applies which is awarded or authenticated by a body which is recognised by the Office of Qualifications and Examinations Regulation under section 132 of that Act in respect of the qualification, or

(ii) a qualification accredited by the Scottish Vocational Education Council, or

---

(1) 1992 p.14.

(2) Trosglwyddwyd swyddogaethau'r Ysgrifennydd Gwladol, o ran Cymru, i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672), a'u breinio'n ddiweddarach yng Ngweinidogion Cymru yn rhinwedd adran 162 o Ddeddf Llywodraeth Cymru 2006 a pharagraff 30 o Atodlen 11 iddi.

(3) O.S. 1992/548, fel y'i diwygiwyd gan O.S. 1994/543; O.S. 1995/619; O.S. 1996/636; O.S. 1996/3143; O.S. 1997/656; O.S. 1998/291; O.S. 2003/673 (Cy.83); O.S. 2003/3121; O.S. 2004/1771; O.S. 2004/2921 (Cy.260); Paragraff 2 o Atodlen 18 i Ddeddf Addysg 2005 p.18; O.S. 2006/3396; O.S. 2007/580 (Cy.52), O.S. 2009/2054 ac O.S. 2010/677.

(4) 2009 p.22.

- (iii) a “relevant qualification” within the meaning of section 30(5) of the Education Act 1997<sup>(5)</sup> which is awarded or authenticated by a body recognised by the Welsh Ministers under section 30(1)(e)<sup>(6)</sup> of that Act in respect of the qualification.”.

6 Hydref 2010

*Carl Sargeant*  
Y Gweinidog dros Gyfiawnder Cymdeithasol a  
Llywodraeth Leol, un o Weinidogion Cymru

---

(5) [1997 p.44](#). Disodlwyd is-adran (5) o adran 30 gan adrannau 174 ac 192 o Ddeddf Prentisiaethau, Sgiliau, Plant a Dysgu 2009, a pharagraffau 12, 15(1) a (6) o Atodlen 12 iddi.

(6) Disodlwyd is-adran (1) o adran 30 gan erthygl 9(1) o [O.S. 2005/3239](#) a pharagraffau 6 ac 15(a) o Atodlen 1 iddo, a'i disodli ymhellach gan adrannau 174 ac 192 o Ddeddf Prentisiaethau, Sgiliau, Plant a Dysgu 2009, a pharagraffau 12, 15(1) a (2) o Atodlen 12 iddi.

---

## EXPLANATORY NOTE

*(Nid yw'r nodyn hwn yn rhan o'r Gorchymyn)*

Gwneir y Gorchymyn hwn o ganlyniad i'r Ddeddf Prentisiaethau, Sgiliau, Plant a Dysgu 2009 ("Deddf 2009"). Mae Rhan 7 o Ddeddf 2009 yn sefydlu Swyddfa Rheoleiddio Cymwysterau ac Arholiadau ac yn gosod ei swyddogaethau. Mae Rhan 8 o Ddeddf 2009 yn gwneud darpariaeth i'r Awdurdod Cymwysterau a Chwricwlwm a sefydlwyd o dan adran 21 o Ddeddf Addysg 1997, barhau mewn bodolaeth fel yr Awdurdod Datblygu Cymwysterau a Chwricwlwm ac yn diwygio ei swyddogaethau.

Mae'r Gorchymyn hwn yn diwygio Gorchymyn y Dreth Gyngor (Diystyru Gostyngiadau) 1992 o ganlyniad i'r darpariaethau a gynhwysir yn Rhan 7 o Ddeddf 2009, a'r diwygiadau i adran 30 o Ddeddf Addysg 1997 gan Ddeddf 2009 (swyddogaethau Gweinidogion Cymru mewn perthynas â chymwysterau allanol galwedigaethol ac academiaidd) a wnaed gan Atodlen 12 i Ddeddf 2009.